

Janeg.
L I L I V M
D. CASIMIRI

REGNI POLONIÆ AC M. D. LITVA-
NIÆ PATRONI,
NATALI CARMINE
CELEBRATVM:


atq;

ILLVSTRISSIMO AC REVERENDISSIMO D.
D. CASIMIRO PAC
EPISCOPO SAMOGITIÆ
VILNENSIQVE PRÆPOSITO Sc. Sc.
NATALEM D. TVTELARIS ^{DIEM}
CELEBRANTI,

a quodam è S. I.
humili suæ Celsitudinis cultore
dicatum




VILNÆ die 4. Mart. Anno 1669.



Dic, quibus in terris inscripti nomina Regum
Nascantur flores ?

Virgil: Buc: Ecloga 3.



3692 III

DEDICATIO ORATORIA

ILLVSTRISIME & REVERENDISIME D.

DOMINE & PATRONE SEMPER COLENDE

LILIVM D. CASIMIRI, singularis Regni Poloniae,
M. D. Lituaniae, Tuæq; Celsitudinis Patroni, eo
animo Illus: Celsitudini, Natales eius, Tuasq; ferias, cele-
branti, humiliter offero: quo, quid Tuæ Illus: Celsitudini
hodie gratulari, quid uouere potissimum debeam, in hoc
ueluti florum oculo, aut crystallo contemplor. Regia
eius radix, incrementum calicum, sublimitas palmaris,
candor admirandus, odor fragrantissimus, maturitas
fortunata, æternitas inuiolabilis, singula ac uniuersa,
Tuæ Celsitudinis aut nostrorum uotorum specula. Ni-
mirum. si regiam eius stirpem recogitem, continuo in-
gens Illustrissimæ familiæ Tuæ decus, menti se offert:
si proceritatem spectem, ad excelsum dignitatis Tuæ,
Pontificiæ, atq; Senatoriæ apicem prouehor: si ui-
gorem contemplor, labores Tuos pro re Ecclesiastica, &
patriæ, indefesso animo exantlatos suspicio: si candor-
em mihi obiiciam, candidum, & sine nube pectus,
in eximiam repansum humanitatem admiror: si odore
prouocer, famâ religionis orthodoxæ inter ipsas ho-
stium fauces conseruatæ, pietatis, aris, Diuisq; ararum
præsidibus, deuotæ: liberalitatis ingenos, latè refusæ
recreor. An hæc nō grandia Tuæ Celsitudini gratulandi
inuitamēta; sin uero ad incrementa lilii CASIMIRIANI,
cælis terrisq; fouendis paria respiciam, si ad eiusdem ma-
turitatem omni uirtute atque gloriâ perfectam, mentē
conuertam, si æternitatem securissimam, animo op-
pona.

ponam: quam Te Magnum ab omnibus spectari, qua
gloriæ sublimitate illustrē, quam felici perennitate trā-
quillum, cupere debeam, agnosco. An hæc rursus,
non eximia uotorum Tibi sacradorū allestamenta! Ge-
mino hodiē diē Natalē, cinctus exigis lilieto, CASIMI-
RIANO & PACIANO. Vtrumque, illis vernat florib9,
illis fæcundatur liliis, ut nihil ad decus, nihil ad aman-
tatem desiderari merito posse uideatur. Est tamen, est
quod Tui, Tibi optemus, ne flos Tuus cito decidat,
ne marcescat, ne manu fatali, prius quam terrarum bono
maturus, cælis inferatur. Non frustra maiores Tui,
ita lilia gentilitiis in signis plantauēre, vt radice occul-
tā florescerent. Quicquid in tuo stemmate geris, flos est,
quicquid in Tuis factis suspicimus, liliū est, cuius ra-
dix non cernitur, quia æternitatis abditis inserta: ad
quam Tu glorioso uitæ nisu eniteris, ibi Tua locaturus
lilia, ubi liliorū Pacianorum radix condita: & quo Tuus
iam sua transtulit CASIMIRVS. Hoc porro dum agis, ut
diu nostris præsens obtutibus felix faustusque agas,
Tui precantur: atque cum iis ego pariter uoueo, uo-
tique, me reum, lilij D. CASIMIRI sacratis Tuo
Natalitio laudibus, libens obstringo.

Illustrissimæ & Reuerendissimæ Celsitudinis

denotus cultor

è S. I

DEDICATIO POETICA
REGALIS LILII
D. CASIMIRI
LILIO PACIANO.

Lux Paciorum, gloria Præsulum,
Orbis Poloni purpureum iubar,
O gemma sacratæ senatus,
O niueum CASIMIRE germen,
O magne sanguis! quem niueis sibi
Stirps liliorum confecta frondibus,
Blandè cernauit; sacroq;
Nobilitas ueneranda seruo,
In flore auito composuit thronum,
Radice firmâ. Non ego Patrios
Hic penso liliorum odores,
Et celebrem loquor à trecentis,
Creuisse riuo germine seculis,
Florem Paternum. Tempora prosside
Annosa, & immensum locata
Sarmatico speculari cælo,
Colende Præsul, luminis atria,
Laudesque maiorum; ad superos propè
Transuecta uirtutum colossis
Stemmata, liligerosque ciues
Bene auspicati Nominis obuio
Metire vultu. Iam Tibi Patrio
In sole sublucent Dynasta
Purpurei, patriumque pulchro

*


Lon-

Longè frequentes ordine lilium,
 Cinxere flores. Qualiter in solo
 Plantata camporum ligustra, aut
 Hesperijs rosa uerna campis,
 Panchæa prati regna perambulat,
 Stipata florum pignore: taliter
 Illustre lilium frequenti,
 Accumulat sua sarta flore.
 Hic se reclinat quâ Samogitia
 Orbis refundit, Præsuleum iubar,
 Illustris Antistes resulget,
 Sidereo NICOLAVS ostro.
 Quem pone sacrâ Religio manu,
 Te sistit alto munere Præsulem:
 Sacramque submittit Thiarâ; &
 Emeritum uenerata nomen
 Ouile pandit; pandit, & atria
 Virtutis immensa; & trabeam Tibi
 Mitramque, liliisq; fulum,
 Astra uehunt CASIMIRE censum.
 Illinc supremum militia caput,
 De liliorum germine lilium,
 Infractus in Martis procellis,
 Dux MICHAEL pia bella forti
 Disponit ausu: seu fera lubdolis
 Incumbat armis Moschua seu celer
 Chouanscijs in clades tumultus,
 Seu Gothicus Leo castra sparsis
 Insternat hastis non animo minor,
 Perdeclores sanguine barbaro
 Campos, triumphator recentes
 Belligero metit ense lauros

Et

Et ille plenis se mihi cominus
 Infundit ulnis CHRISTOPHORVS graui
 Facundus Orator decore, &
 Consilij benè fidus author.
 Quem Tullianis Suada fauoribus,
 Aurig, labens gratia flumine
 Respergit: electrig, torrens
 Gemmiferis prope uexit undis:
 Simul rubenti sirmate purpure
 Obnubit ostrum, & Curia publico,
 Sigilla submittit fauore,
 Et Lechicum benè credit orbem.
 Non & silenti Te quoq, nomine
 Transibo vates nobile lilij
 Germen, Palatine Opaterni,
 Depositum, NICOLAE floris!
 Quem clara nuper fama per exteras
 Venexit urbes. Consilio, & manu
 Paterna suscepere magnum
 Limina, Littauicusq, Apollo
 Laurosq, & ampla munera Curiae
 Sparsit theatro. Tu pariter mihi
 Illustre Littuani senatus
 Ingenitâ comitate suavis,
 Felicitatis uectus in atrium
 Accede FELIX, Cuius in intimo
 Laudesque: uirtutesque passim
 Pectore composuere magnas
 Honore dotes. Te quoque florido
 Semper perennem stemmate lilij,
 Inuicte CONSTANTINE, celsis
 Tollit Honor super astra pennis.

Non & tacenti Te mihi barbito
Parnassus offert: Viuida bellica
Propago virtutis, Gradiui
Bellisonis BONIFACI in armis,
Quem Martiali gloria munere
Ferroque, & hastâ conspicuum, suis
Attollit in cœlos lacertis,
Emeritâ statione Martem.
At quî minori, magna ego Numine
Attento vates Nomina? Liliū
Sit meta laudi, purpuratis
Præfulcum Diadema fertis,
Pennam reposcit. Viue perennibus
O magne Prasul, viue lo lilijs!
Dum Numen incrementa Vita
Perpetuo tibi spondet auo.
Quodsi fauenti pectore prouida
Tellus reuincit lilia lilijs,
Rosasque desponsat roseto,
Et similes amaranthus ortus
Ambit propinquo germine? Rectius
Regalis horti gemma recens Tuo
Stat Liheto, stant auito
Lilia consociata flori.
Hinc iure adornat germine Regio
Regale sertum; Præsuleum caput:
Diesque longæuos Patronus
Liligeris tibi nectit annis.



REGALIS LILII
D. CASIMIRI
RADIX.

Erumpet Radix eius ut Libani Osea 14

O D E. I.

Et quod serenis sub Penetralibus
Regale vernat Lilium; & aureis
Immiscet argentum Pyropis,
Nec medios pauer inter ignes
Calentis Astri? sanguine Regio
Late perennat germen ab Inclyto,
Satum CASIMIRO; & trecentis
Sarmatiæ super orbe Ceris.
Regum, superno pullulat e Throno
Flos Regionum gloria collum,
Sanguis Dynastarum, Poloni
Subsidium, columenq; sceptri.
Reges creantur Regibus; Inclytum
Et Rex leonem progenerat leo
Virtutis heredem Paternæ;
Et proavis similem nepotem
Natura florem plantat; & asseclas
Circum maritat cum violis rosas,
Regni virescentis; suumq;
Lilia concomitantur ortum.
Te plena blandis gratia brachijs

A

Or

Ortum Paterno composuit sinu
Regem; Triumphaliq; cunas
Forma decens cumulauit ostro.
Laurosq; Palmaſq; & Trabeas super
Et liliorum conspicuè niues,
Fudit reclinem; cresce magnis
Digne Ducum CASIMIRE ſceptris.
Te purpuratum ſyrma trahens decus
Obnubit ostro, Te Themis, & ſacer
Cæli coruſcantis Senatus,
Et niueum ſine nube iuſtum,
Ortum ſuperno ſanguine lilium
Adorat imo poplite, candidis
Quem vera delinit ſacertis
Religio, ſuper ūmq; cultus,
Ingensq; Lechi mundus, & extimo
Columna Salæ margine, & aurei
Currus planetarum reductis
Mane nouo uenerantur aſtris.
Interq; Regum nomina ab aureis
Vetustâ ſæclis nobile lilij
Regalis attollunt trophæum
Perpetuis monumenta luſtris.
Quod æuiternis poſthuma curſibus
Miretur ætas, & roſæ viror
Æſtatis, & longè reductis
Sol moriens, oriensq; ſtellis.

RE

REGALIS LILII D. CASIMIRI INCREMENTVM

Deus Incrementum dedit. 1 cor. 3

ODE II.

Et iam uirenti germine lilium
Satum beato Sarmatiae solo,
Regum, Dynastarumq; sanguis
Belligero à lagelone primis
Virescit annis, sidera in aureas
Liquata venas non uacui Midæ
Riuq; torrentesq; gemmarum
Irriguo cecidere cælo.
Cresce! O Poloni grande decus Throni
Rex orte Regum sanguine, lilium
Intamibiarum, cresce auitis
Magne thronis, Patrioq; pridem
Promisse cælo. Quâ roseum caput
Phæbus renascens tollit ab Indiis
Orbi redonandꝫ Polono, &
Vistuleo lauat amne crinem.
Te Russus Ister, Te Mare Balthicum,
Suique plenus Vilia, Te Chronus,
Et diues electri fluentis
Narcia, Lechiadum Monarchæ
Illime flectit littoribus genu,

Gemmasque voluit prodigus . En Tibi
Auto laboratum decenter
Deproperat CASIMIRE census
Mauortiarum Gloria Gentium,
Lechiq; virtus Martia, & aurei
Regina libertas Trionis,
Et Lechicus Tibi vota mundus
Bene auspicatis sacrat honoribus.
Pupilla Regum . Iam Tibi Pectore
Virtus, verecundusque circum
Virgineo, sedet ore candor,
Virtutis Index . Te probitas sacris
Auita semper comprobat ignibus,
Fidesque, Diuorumque cultus,
Et niuei sine labe mores,
Hymnique laudesq; haud popularium
Portenta vatum . Et munificentia
Torrente dimanans refusus
In populos, Proceresq; gazis
Infedit artus . Te sapientia
Apollinari scripsit in agmine,
Lauroque, lilijsq; fertur
Docta Themis redimisse in ipsis
Rex magne cunis . Sub minimo latet
Augusta semper stirps . Aquilæ suo
Noscuntur è nido nepotes:
E minimo Leo magnus vngue.
Aurora nascens vaticinam prope
Infert sereno sole meridiem .
Virtutis incrementa paruo
Sæpe latent CASIMIRE flore.

RE

REGALIS LILII
D. CASIMIRI
STATVRA.

Statura tua assimilata Palma Cant. 7.

O D E 111.

Procumbe moles quam Paris locat,
Perita venis dextera; seu Pharos,
Ignita, seu ductæ superbis
Marmoribus, Babylonis Arces,
Terram caducis verticibus super
Librate Regum Lilio: vt obuias
Se tollit immensum per auras
Flos Lechicæ CASIMIRVS oræ.
Immensa strictis littoribus nequit
Virtus teneri; surgit; & inclytum
Plantata Cypressus supernis,
Mole caput leuat vîq; calis,
Nec præliantis murmura Nerei,
Irasq; ventorum, & rabiem Noti,
Eurosq; resistentesque Cauri
Palma minas timet, explicatis
Inuicta ramis. Porta tonet poli,
Orbemq; lustret Iupiter ignibus
Dumeta, silvarumque frondes,
Fulmineo populentur æstu,
Inuicta densis Palma sub ictibus

B

In

Insultat igni: & per medias super
 Euecta ventorum procellas,
 Stellifero caput aequat orbi.
 Talis Paternis sub Penetralibus
 Flos Reginum gloria fascium
 Viget, & excessim superbas,
 Anteuolas statione, terras:
 Nusquam caducis nictibus infimas
 Rerum ruinas, & dubiam prope
 Sortem, repentinosque mundi
 Mente humili meditaris ortus.
 Suprema magnis Regibus amulus,
 Momenta Regum non dubie premis
 Athleta: Liliisque plenum
 Flore diem, vehis usque calo.
 Te nec superbo Regia culmine,
 Nec purpurarum fidere clarior
 Deflexit, vsus: nec refulgens
 Assyrio graue vellus auro:
 Aut spina densis obuia lentibus
 Intamioata sub niue Lilium ex
 Armavit, insontemque laetit
 Lethiferis leuis aula telis.
 Inuictus audis seu Trabeas Ducum
 Regnum dicatis huius ad oreis
 Regale seu sceptrum decenter
 Altus honor tibi flectat aris.



RE

REGALIS LILII
D. CASIMIRI
VIGOR.

Non dabis Sanctum tuum uidere corruptionem Psal 15.


O D E IV.

Auara Thuscis Marmor in arriis
Exedit atas. Tempus ab aureis
Proscribit Heroas columnis.
Nec Pario memoranda saxo
Columna leris fixa nepotibus.
Obstistit Euris. Occidit, occidit
Ingens Alexandria, & amplas
Mole cinis sepeliuit arces.
Sors æqua Cedris, & Partiis uenit
Citata passu Marmoribus: neque
Effugit hyberna virefcens
Elos uiridis cariem senectæ.
An & perennis corporibus vigor
Mortalitatis semina distulit?
Sepulta linescunt, in ipsis
Pulueribus benè dormit æquâ
Ætas ruinâ. siue virentibus
Nitamur annis, seu tremuli pede
Nullius annisu repente
Occiduas meditamur horas
Vigore calsi. Solus ad extimam

zB

Mor-

Mortalitatſ nescius orbitam
 Flos nate vernas. Operenni
 Digne Cedro, Pariſſue late
 Sculpende ſaxis! perpetuum Tibi
 Aetas recenti flore per aureos
 Transuecta pratorum colores:
 Nec carie Lachesis reſecio
 Inſperſit artus ſtamine. Stat vigor
 Intaminato pectore: ſeu roſas
 Hyberna deluſit pruina,
 Seu exanimes cecidere nardi,
 Auguſta vernant lilia. Seu nives
 Deſcendit æſtas torrida, languido
 In ſole, ſeu molles acanthi
 Laffa ſolo poſuere. colla.
 Regum perennat flos: nec in hospita
 Duella uentorum, aut Borea minas,
 Currumque torpentis Bootæ, aut
 Fata pauet morientis hadi.
 Sic nempe nullis obuia caſibus
 Fortuna Regum culmina tranſuolat:
 Regale demirata germen:
 Innocuam ſinit eſſe plantam
 Floris Beati. quem rigui ſuper
 Cunis reclinem ſidere deſpecto
 Myrthæ perennantis recenter,
 Sic temerè cecidere nimbi.



RE

REGALIS LILII D. CASIMIRI CANDOR.

Pulchritudinem candoris eius admirabitur oculus Eccl: 43.

O D E V.

Est & virentes non humilis calor
Lustrare Maïos. Tollite gratiæ,
Auræq; , uentiq; ad perennes
Sarmatiæ Zephiritis hortos.
Quâ molle pratum purpureus terit
Campi Senatus, quâ roseum rubet
Terræ pauimentum, & reuulsa
Arua nitent sine sente glebâ.
Vbi renascens puniceï nitet
Regina campi cum violis rosa,
Mollesq; narcissi, & repentes
Vere nouo spatiantur auræ.
Hic inter aruorum, & Zephiri iocos,
Regumq; flores Vatidicum placet
Caput reclinasse, & virenti
Sic temere iacuisse fronde.
Regale sed me sollicitum iubet
Lenire Somnos Lilium. O florida
Campi renascentis uenustas.
Flos Lechici CASIMIRE Regni,
Aurora ueris, prima uirentium

C

Astate

Æstate uernâ gloria frondium,
 Stirps sacra, mentiumque uena
 Sarmatiæ rosa nata campo!
 Te pura virtus virgineâ manu
 Per Regionum tecta Penatium
 Deuexit, illæsumque passim,
 Liligero dedit ire Cœlo!
 Interque ciues, non morientium
 Te liliorum, uirgineus pudor
 Sacrauit heredem, & rubenti
 Virgineus prope candor ostro
 Insedit imis lob penetralibus,
 Et iura scripsit fœdere castitas,
 Pectusque Regale æuiterno
 Virginitas sibi legit ausu.
 O flos perenni, candidior niue
 Regalis horti! non Tibi nubibus
 Infusa nimborum pruina
 Puniceam CASIMIRE gemmam
 Morsu tenaci carpsit. Ebur uelut,
 Primique candor solis amabili
 Fulges in argento, aut reductis
 Sole nouo Cynosura stellis.
 Aut qualis inter fata canens olor,
 Candore ridet mistus oloribus:
 Purisque pennarum refulget
 Sub niuib. radiante Cœlo.



RE

REGALIS LILII
D. CASIMIRI
ODOR.

Ecce odor [Lilij] sicut odor agri pleni Gen. 7.

ODE VI.

Inuicta leni non ego barbitō,
Cantabo Regum facta potentium; aut
Non erubescendos nepotes,
A Lechico memores Gradiuo
Censebo Vates. Tristibus immori
Nequit sepulchris Gloria Patrijs
Ceris redonata, & disertas
Eloquii prope vincit undas.
Hos ter reductis posthuma sacculis
Emensa claras temporis orbitas,
Trophæa collustrant: uigentq;
Gesta tholo, memoriq; uiuos
Mensurat auro. Non ego Martios
Inter supremæ lumen adorea
Scribo BOLESLAOS & amplæ
Teste Deo monumenta famæ.
Non magna cœlo Numina, & aureis
Inscripta fastis, uatidicâ chely
Canto SIGISMUNDVM aut subactas,
Belligero IAGELONE pugnas,
Cadesque Parthi, & sanguine pinguis
Dumeta Russi, aut Treuicias tibi
Inuicte VLADISLAE Lauros

Depropero leuiore plectro.
Leuis tuarum hic Oceanum pauet
Carina laudum. Te potius mihi
Sidus sub Arctoo trione
Pierio CASIMIRE plectro
Inscribo fastis, Te redolentium
Amæna florum gratia, Martijs
Orbi redonatum calendis,
Laurigero celeberrimo trophæo.
Cui sparsa latè lilia vallium,
Campiq; flos, & copia narium,
Ordo ligustrorum nivalis,
Et riguo Paradisus auro
Vtcunque sacrum Virgo premis pedem.
Beatus inter Lilia, debitum.
Panchæa pratorum refundunt
Regna, palam CASIMIRE, censum.
Perenniori se tibi balsamum
Infudit vnguento, & redolentium
Ager rosetorum & beatis
Diues Arabs per aprica campis.
Non, & Sabæ Myrrhæ opulentiæ
In flore Regum destituit Thronum.
Vnguenta cum virtus retexit
Non Cilicum placere merces,
Minus retentæ splendidior rei
Rex Magne quanto, Gloria te Throno
Euexit: æternâq; scripsit,
Sorte DEVS, Dominumque mundi
Per Laureatæ Pergamæ curiæ,
Auroque latè regna virentia
Vulgauit, illimi resulant
Gaudia ubi medicata vino.

REGALIS LILII
D. CASIMIRI
MATVRITAS.

Præueni in maturitate Psal. 118.

O D E VII.

Quantus rosarum Phæbus, in atris
Latè sereno nectus in effedo, aut
Septem planetarum in corona
Per medium spatiatur axem;
Camposq; inaurat, mane recens nouo
Crescens ab ortu. Taliter in nouo
Aurora consurgens Trione,
Sceptra simul, Lechicosque pleno
Bene auspiciis sideribus iubat
Maturus auges lumine: & aureos
Orbi Polonorum nitores
De tenero meditaris ungue
Matura primis sapius indoles
Accreuit annis: & senio grauis
Sese reclinauit virenti
Flore dies: viridique scirpo
Autumnus irrepsit. sibi conscia
Plerumque paruo vere perennitas.
Adæquat interdum pusillus.
Grande supercilium Catonis.
O magna magni Consilii capax,

D

Sc-

Seseq; maior stirps lagelonidum ,
Propago Diuorum, qui ab ipso
Ducis opes CASIMIRE Cælo!
In flore vernis cum sibi prouida
Ætas propinquat passibus. O Tibi
Adultâ succeruit virenti
Cana fides, pietasq; flore!
Non longâ mento barba uirum facit.
Hirtæq; canum temporibus coma, aut
Senilis argento capillus,
Nec Pylis coma fata cirris
Primæua virtus germina prouido
Fecundat ortu. Grator aureo
Aurora sublucescens sereno,
Et croceo rosa nata campo:
Quam si reclinis cum senio dies
Offundat umbras: aut tremulo pede
Demersus in lymphas Orion
Occidentum caput abdat vrnæ,
Mortalitatis. Te sibi plenior
Ætas in annis flore recentibus
Sponsauit. O fidus beatæ
Gentis, Hyperboreoq; longè
Stirps nata mundo; Te Trabeæ, & Throni
Ordoq; virtutum, & redolentium
Campus rosetorum, & secundo
Gloria concomitata passu
Maturioris consilij Patrem
Primo recenset germine; seu tener,
Seu grandis ætatis secundæ,
Regificos tibi uoluis, annos.

RE

REGALIS LILII
D. CASIMIRI
ÆTERNITAS.

Dedit illi claritatem æternam Sap. 10.

O D E. VIII.

Nilest ab omni parte perennis
Fixum columnis. Terra premit Phrygas.
Vastata Cœlorum ruinis
Cum populis perière regna.
Idemque sceptrum cum Trabeis graui
Premitt sepulchro compositus lapis.
Mortale nil ultra supremos
Ire ualet sine lege fines.
Capax in omnes vna. sed omnibus
Exempta Fatis, sanguinis Inclyti
Propago, nil debes caducæ
Imperiis CASIMIRE fortis.
Quem celsa virtus emeritum super
Perenne lumen sustulit: & polus
Adorat æternum supernis
Indigetem, Dominumq; cœlis.
Hic Te refuso gratia germine,
Et liliorum argenteus ambitu
Ordo coronat, fonte uiuo &
Irriguis Amaranthus ulnis
Verisque primi Gloria & aurei

D2

Regi.

Regina prati, cum violis rosa,
Scenæque Narcissorum, & amplis.

Puniceus Paradisus aruis.

Tibi profundis Oceanus patet

Diuinitatis littoribus super-

Infusus, & labens perenni

Fonte Trias super effluenter

Inundat artus. Crescis in aurea

Æternitatis tempora lilium:

O Digne diuorum supremo

Digne DEi CASIMIRE caru!

Quem pone vernum tempus, & aureis

Horæ quadrigis, & senij, incapax

Autumnus, æstatisq; plenæ

Vernat ager prope ter renatis

Fecundus herbis, quod metuat nefas

Mortalitatis litore defluum,

Exempta fatorum sepulchris

Orta lacro à Jaelone virtus?

Non fulmen Austri, non Lachesis manum,

Non dura Parcæ flamina palluit.

Quem Numen illæsum, è nefastis

Ad superos vehit axe terris.

Hinc ille summi Numinis accola,

Euectus altis cardinibus poli,

Calcat sepulchrales recessus:

Nec dubias variantis astri

Formidat umbras, Hic Tibi prosperæ

Fixum Beato margine lilium

Current Calendæ, liliorum hic

Perpetui CASIMIRE mentes.

BIBLIOTHECA UNIV.



JACQUELON